

RAPORTU
Nu 2014/E1/001

ASSEMBLEA DI CORSICA

1a SESSIONE STRASURDINARIA DI U 2014

30 È 31 DI GHJENNAGHJU

RAPORTU DI U SGIÒ
PRESIDENTE DI U CUNSIGLIU ESECUTIVU

PRUGETTU DI RAGIRAMENTU A UESTE DI L'AGGLUMERAZIONE
DI A GHISUNACCIA NANTU A A STRADA TERRITORIALE N° 10 (ANZIANA RN 198)

COMMISSIONE CUMPETENTE :

CUMMISSIONE DI U SVILUPPU ECONOMICU È DI
L'ASSESTU DI U TERRITORIU È DI L'AMBIENTE

CUMMISSIONE DI E FINENZE DI A PIANIFICAZIONE DI
L'AFFARI EURUPEI È DI A CUUPERAZIONE

**RAPORTU DI U PRESIDENTE DI U CUNSIGLIU
ESECUTIVU DI CORSICA**

Ogettu : Prugettu di ragiramentu da l'ueste di l'agglomerazione di a Ghisunaccia

Aghju l'onore di sottumette u presente raportu à L'Assemblea di Corsica per ch'ella accunsenti u prugettu di ragiramentu di a Ghisunaccia è l'acquistu, di modu amichevule, di i terreni, chì currispondenu à issu prugettu.

U prugettu di a Cullettività Territoriale di Corsica hè quellu d'asestà una strada chì permetti di ragirà da l'ueste l'agglomerazione di Ghisunaccia nantu à a Strada Territoriale n° 10 (Anziana Strada Naziunale 198).

A strada da creà piglieria nascita da l'accessu ueste, à u gruppu sculare di Ghisunaccia finu à u crucivia giratundu di a Strada Territoriale 10 situata à l'entre sud di l'agglomerazione..

In stu modu, puderianu l'utilizatori di a Strada Territoriale 10 ragirà u centru-cità di a Ghisunaccia, da u Nordu ver di u Sud, da u giratundu nantu à a Strada Territoriale 10 situata di punta à u centru commerciale LECLERC, pigliendu a Strada Dipartimentale 344 (strada di Ghisoni) finu à u gruppu sculare.

Ramintemu chì a Strada Territoriale 10 (Anziana strada Naziunale 198) hè l'assu principale chì assigura a leia trà Borgu et Bonifaziu passendu pè Porti Vechju. Assicura trè funzione :

- Leia trà i poli economici
- Servizi lucali pè a leia trà i paesi
- Funzione turistiche, favurizendu u spustà di i visitanti chì scoprenu l'isula.

Ma, a cumuna di a GHISUNACCIA, chì hà utilizatu a Strada Naziunale 198 pè assicurà u so sviluppu economicu è turisticu, pate oghje e cunsequenze di un trafficu vitturaghju sempre di più impurtente chì induce :

- Un ingorgu di u centru-cità in periodu estivale ,
- A vitezza eccessiva ind'è l'agglomerazione in stagione bassa
- Una insecurità pè l'inseme di u trafficu vitturaghju ind'è u centru-cità ma dinù pè a ghjente à pedi per via di l'attività commerciale numerose.

Hè ind'è issu cuntestu chì, in casu d'ingorgu di a Naziunale, u ragiramentu di l'agglomerazione (scrittu in a mudernisazione di u Schema Direttore di e Strade Territoriale di Corsica è accunsentitu da l'Assemblea di Corsica durentu a sessione di u 23 di ghjugu di u 2011) permetterà di scioglie u centru-cità ingurgatu d'estate è d'allenà a circolazione.

A stimazione di u costu di i travagli hè di 4 M€ senza e tasse. Duveria esse finanziata l'operazione in u quattru di u prugrammu eccezziunale d'investiscimentu à titulu di a sottu misura « Strade ». Stu pianu di finanziamentu sarà definitivu solu quand'ellu sarà accunsentitu da a COREPA.

A realizazione d'una infrastruttura nova, parte integrante di l'asestu à longu andà di a Strada Territoriale 10 è in cunsunente cù a crescita di u trafficu, permetterà :

- Un migliurà di u trafficu barchendu a Ghisunaccia
- Una riqualificazione più faciule di u centru di l'agglomerazione
- Un migliurà di u trafficu di transitu nantu à l'assu Borgu / Bonifaziu,
- Un migliurà di a securità di l'automobilisti è di a ghjente à pedi ind'è l'agglomerazione cù una sparghjera di u trafficu nantu à un itinerariu altru.

Pè realizà ist'asestu, deve a Cullettività Territoriale di Corsica acquistà fundariu di modu amichevule (spese di nutariu incluse) è stimate à 850 000 €. Sapendu ch'è u prezzu definitivu serà fissatu dopu à l'elaburazione di u pianu parcellariu è di i documenti d'aggrimensura currispudenti.

Vi prupongu in conclusione :

- 1) **D'ACCUNSENTE** à u prugettu di ragiramentu di a GHISUNACCIA
- 2) **D'AUTURIZÀ MI** à zifrà l'atti d'acquistu, di modu amichevule, pè un prezzu massimu fissatu da France Domaine, di e parcelle situate nantu à u territoriu di a cummuna di a GHISUNACCIA pè un prezzu totale 850 000 €, essendu precisatu ch'ellu sarà u prezzu definitivu determinatu dopu à u stabiliscimentu di u pianu parcellariu è di i documenti d'aggrimensura.

Vi dumandu di vulè ne deliberà.

ASSEMBLEA DI CORSICA

**DELIBERAZIONE N° 14/ AC DI L'ASSEMBLEA DI CORSICA
ACCUNSENTENDU À U PRUGETTU DI RAGIRAMENTU
DA L'UESTE DI L'AGGLUMERAZIONE DI A GHISUNACCIA**

SEANZA DI U

L'Annu duie mila è quattordeci è u, l'Assemblea di Corsica, regolarmente convocata si hè riunita cù u numeru previstu da a lege, in u locu abituale di e so seanze, sottu a presidenza di u Sgiò Dominique BUCCHINI, Presidente di l'Assemblea di Corsica.

L'ASSEMBLEA DI CORSICA

VISTU u Codice Generale di e Cullettività Territoriale Titulu II - Libru IV – Ivima parte,

VISTU u Codice Generale di a pruprietà di e Persone Pubbliche,

VISTU a deliberazione n° 11/140 AC di l'Assemblea di Corsica di u 23 di ghjugnu di u 2011 accunsendu a riattualisazione di u Schema Direttore di e Strade Territoriale di Corsica,

VISTU l'evaluazione di France Domaine in data di i 17 d'aostu di u 2012, u 19 di lugliu di u 2013 è u 5 di nuvembre di u 2013,

VISTU i piani di u prugettu d'assestu di ragiramentu,

NANTU À raportu di u Presidente di u cunsigliu Esecutivu di Corsica e,

DOPU AVÈ NE DELIBERATU**ARTICULU PRIMU :**

AGRADISCE u prugettu di realizà un ragiramentu da l'ueste di l'agglomerazione di a GHISUNACCIA nantu à a Strada Territoriale n° 10 (anziana Strada Naziunale 198).

ARTICULU 2 :

AUTORIZEGHJA u Presidente di u Cunsigliu Esecutivu di Corsica à zifrà l'atti d'acquisto di modu amichevule à u prezzu massimu fissatu da France Domaine, di e parcelle situate nantu à u territoriu di a cumuna di a GHISUNACCIA pè un prezzu totale di 850 000 €, essendu precisatu ch'ellu sarà determinatu u prezzu definitivu dopu à u stabiliscimentu di u pianu parcellariu è di i documenti d'aggrimensura.

ARTICULU 3 :

Ferà l'ogettu a presente deliberazione d'una pubblicazione ind'è a raccolta di l'atti amministrativi di a Cullettività Territoriale di Corsica.

AIACCIU, u

U Presidente di l'Assemblea di Corsica,

Dominique BUCCHINI